



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemerologivm Ecclesiastio-Rubricisticum Novum

Halden, Johann Baptist

Brixinæ, 1717

Titulus LXII. De Sabbato ante Dominicam I. Adventûs.

urn:nbn:de:hbz:466:1-39937

TITVLVS LXII.

De Sabbato ante Dominicam I. Adventus.

SI SABBATŌ Dominicam I. Adventus præcedente Officium fuit factum de *S. Maria in Sabbato*, aut de *Vigilia S. Andrea* (quæ est una ex illis, quæ *jejunantur*) tunc ad *Vesperas* dicuntur Antiphonæ, & Psalmi feriales, uti notantur in Sabbato per annum in Psalterio : à Capitulo autem fit *Officium de Dominica I. Adventus* sub Ritu *semid. 1. Classis*, dicendo de illa Capitulum, Hymnum, ac Versum, nec non Antiphonam ad *Magnificat*, & Orationem, uti notantur in Sabbato ante Dominicam I. Adventus in Parte Hyemali Breviarii, cum Commemoratione Festi Simplicis, si quod eras alicubi occurrerit. At verò Commemoratur de Crucis, & Suffragia Sanctorum (alioquin ad Vesperas ac Laudes, exceptis Duplicibus, & infra Octavas juxta propriam Rubricam & Generis 35. dici solita) omittuntur ab his Vesperis usque ad Octavam Epiphaniæ inclusivè ; illa quidem, ne Christus videatur passus, antequam natus, hæc autem, ne ante Christum natum implorare videamur eorum opem, quos ipse Christus suo Adventu Sanctitatem docuit : omittimus quoque Commemoratur de Pace, utpote quæ ante ejus Nativitatem non fuit, sed eo nato ab Angelis est data Hominibus bonæ Voluntatis : ac denique, quia adveniente Principe cedunt alij, ut ex Joan. Azorio, & Gulielmo Durando notat Gav. Col. *Violac*: In fine *Vesperarum* hodierni Officij post dictum : *Dominus det nobis suam pacem &c.* Subjungitur in Choro (siquidem in eo *Vesperæ* à Completorio separantur) extra Chorum verò in fine Completorii Antiphona : *Alma Redemptoris &c.* quæ ipsâ terminatur etiam Completorium suo Tempore in Choro. Atque hoc modo tam intra, quam extra Chorum terminatur Officium etiam deinceps quotidie usque ad Completorium diei Purificationis exclusivè cum aliqua tamen Varietate : nam in Adventu (qui durat usque ad 1. Vesperas Nativitatis Domini exclusivè) subjungitur Antiphonæ *Alma Redemptoris*, quotiescunque hæc dicitur, Versus : *Angelus Domini nuntiavit &c.* ac Oratio : *Gratiam tuam &c.* à 1. Vesperis autem Nativitatis Domini usque ad Purificationem subjungitur eidem Versus : *Post partum &c.* ac Oratio : *DEUS, qui salutis aterna*, ut ibi. Eadem Antiphona *Alma Redemptoris* (par ratio est

N n

est

est de reliquis Antiphonis B. V. in fine Officij pro Varietate Temporis recitari solitis) cum dicta Variatione quoad *Versum* ac *Orationem*; præterea extra Chorum dicitur etiam in fine Matutini post Laudes, si tunc reminandum sit Officium; alioqui, si alia Hora subsequatur, in fine ultimæ Horæ, non equidem ratione Horæ, sed ratione Matutini ac Laudum: quando tamen istæ separantur à Matutino in fine hujus non dicuntur hujusmodi Antiphonæ finales. Possunt tamen (Teste Gavanto Tom. 2. Sect. 5. c. 22. n. 31. semper dici post quamcunque Horam ex devotione à privatim Horas recitantibus. In Choro autem semper dicuntur hæ Antiphonæ, quandocunque terminatâ aliquâ Horâ discedendum est à Choro, etiam post Horam Officij parvi B. V. ut recessuri salurent prius B. V. quam initiò cujusque Horæ salutaverant Salutatione Angelica, Vice cujus in fine Officij dicuntur hæ Antiphonæ post Orat. Dominicam. Nunquam verò dicuntur post aliquâ Horam, quando sequitur cum Officio diei *Officium Defunctorum* etiam ex devotione recitandum, vel *septem Psalmi Pœnitentiales*, vel *Litania*, exceptò *Completoriò*; ad hujus enim Finem post Benedictionem ibi positam semper dicitur (præterquam in ultimo Triduo majoris Hebdomadæ) ea Antiphona de B. V. ex ibi positis, quæ convenit Tempori, etiam si paulò an-

te enumerata subsequantur: v. g. devotione. Nunquam etiam dicuntur prædictæ Antiphonæ, quamvis post aliquam Horam subsequatur *Missæ*. Oratio tamen mentalis post Horas non tollit ejusmodi Antiphonas finales, sed debent nihilominus dici, licet à Choro non discedatur. Dicendæ etiam sunt, quando Concilio fit absolutis Vesperis, & quidem ante Concionem, nisi statim post Concionem sequatur *Completorium*. Præterea si *Missæ* longiori mora deferatur, eo in casu perinde sunt dicendæ, ac si discedendum esset à Choro. Si Finitâ *Missâ* nulla legetur Hora, eò casu non sunt dicendæ (seclusâ legitima consuetudine) neque post *Officium Defunctorum*, vel *Psalmos Pœnitentiales*, aut *Litania*, & similia. Arnand. & Gav. loc. cit.

Quoties autem sunt dicendæ, dicuntur flexis genibus [præterquam in diebus Dominicis à 1. Vesperis Sabbati, & toto Tempore Paschali]. Hebdomadario tamen ad *Orationem* Surgente: Huic autem subjungitur Oratio Dominica, salutatione Angelica, & Symbolum Apostolorum, eaque omnia pariter flexis genibus, exceptis diebus paulò ante commemoratis, quibus utri Antiphonæ, & ipsa stando dicuntur. Porro licet hic Ritus standi incipit à 1. Vesperis Dominicæ, non autem à media nocte, ità desinit in occasu solis ejusdem Dominicæ, more Indulgentiarum post

post quem proinde [inquit Gav.] non amplius est standum in Oratione: quod observari proinde nominatim Is vult ab ijs, qui præcedente Dominica post Salutationis Angelicæ signum, sub noctem dari solitum, recitant Officium pro sequente Feria II.

Quando Sabbatò ante Dominicam

I. Adventus factum est de Festo novem Lectionum, tunc si illud Festum fuit *Semiduplex*, Vesperæ ejus secundæ dicuntur usque ad Capitulum de Festo, à Capitulo autem de Dominica I. Adventus modò antè declaratò, cum Commemoratione tamen illius Festi, omittis, ut supra, Suffragijs, ac terminando Officium per Antiphonam: *Alma Redemptoris*, ut ibid. *Col. Viol.* Simili quoque modò dicendæ sunt Vesperæ, quando Sabbato ante Dominicam I. Adventus factum est Officium de die infra Octavam (esto *Missæ* facta fuerit de *Vigilia*) nam & tunc usque ad Capitulum dicuntur de die infra Octavam, à Capitulo autem de Dominica cum Commemoratione de die infra Octavam, omittis tamen ad Completorium Precibus. Quòd si verò Festum illud fuerit *Duplex*, tunc totæ Vesperæ erunt de Festo, fiet tamen Commemoratio de Dominica I. Adventus, etiamsi Festum illud fuerit 1. aut 2. Classis; quia etiam in horum 2. Vesperis fit Commemoratio de quacunque sequente Dominica, præsertim

si illa Dominica sit una ex Majoribus, uti est Dominica I. Adventus. In fine: *Alma Redemptoris &c.* Color Festo Conveniens. Si denique crastinà Dominicà Adventus (par ratio est de qualibet alia Dominica illius) occurrat *Dies Octava* alicujus Festi, tunc Sabbato præcedenti Vesperæ non dicentur de *Die Octava*, sed usque ad Capitulum de Sabbato, uti in Psalterio per annum, cum Antiphonis & Psalmis ferialibus, ut ibi, à Capitulo de Dominica Adventus, ut supra, cum Commemoratione *Diei Octava*, ut in 1. Vesperis Festi: intellige tamen, si Sabbato illo præcedente non fuerit factum Officium *Duplex*, aut *Semiduplex*; nam si fuit factum Officium *Duplex*, tunc totæ Vesperæ erunt de Festo, de die Octav: autem fiet tantum Commemoratio, ut in 1. Vesperis Festi, & quidem primum post Commemorationem de Dominica Adventus: si autem Sabbato illo præcedenti factum fuerit Officium *Semiduplex*, tunc Vesperæ usque ad Capitulum, erunt de illo, à Capitulo autem de Dominica cum Commemoratione primà de Festo *Semiduplici* (urpote de quo fuit hodie Officium) secundà autem de die Octava (ur in 1. Vesperis Festi) urpote quæ nec hodie, nec cras habebit Officium: omittentur tamen hodie & cras Preces ad *Completorium & Primam*, alioquin in Dominicis ac Officijs *semiduplicibus* extra Octavas occurrentibus

N n 2

bus

bus dici solitæ. Arque ita apud Gav. Tom. 2. Sect. 3. c. 8. n. 13. quoad *Dies Octavas* in Dominicis privilegiatis (cujusmodi præter 4. Dominicas Adventus, sunt etiam Dominica Septuagesimæ, Sexagesimæ, & Quinquagesimæ) aliquando & alicubi occurrentes, observari mandavit Sac. Rit Congr. die 9. Nov. 1622. ob Ra-

tiones ibidem relatas à Gav. Vid. etiam cenda P. II. die 9. & 10. Decembr. *Hodie serò clauduntur Nuptie*, est, ex Decreto, Sacros. Concil. Trident. 24. c. 10. de reform. matrim: nequaquam solenniter celebrari Nuptia à Dominica Adventus usque ad Festum Epiphania, in diem 6. Januarij inclusivè.

TITULUS LXIII.

De Dominica I. Adventus, ac Ferijs eam Subsequentibus.

Quia totus Ordo Ecclesiasticus *Officiorum Divinorum* hujus Temporis dispositus ac institutus est à Matre Ecclesia juxta contemplationem triplicis Adventus Domini, nempe unius, quò venit, *ut Homo fieret*, dein alterius, quò venturus est in *sine vita cujusque nostrum*, ac denique tertij, quò venturus est in *sine Mundi*, ac horum *primus*, observante Durando, *spem generat*, *secundus* & *tertius* verò *Timorem* incurrit, ideo Tempus Adventus Domini (ut notat Gav. Tom. 1. P. 4. Tit. 1.) partim est *Tempus luctus*, partim verò *letitiae*: unde Icones & Altaria ex more quarundam Ecclesiarum partim velantur, partim aperta relinquuntur hoc Tempore: Eadem de causa *Alleluja* in quibusdam *Officijs de Tempore* omittitur, in quibusdam verò

additur: omittitur enim post Graduale in Missis, quæ dicuntur in Ferijs de Adventu: additur autem Graduali Missæ Dominicalis, uti & multis Antiphonis, quæ eodem Tempore dicuntur. Tacetur Hymnus Angelicus in Missis de ipso Adventu, non autem in Missis Festivis: non dicitur, Hymn: *Te DEam* in Officijs de Tempore, bene autem in Officijs de Festivis. Præterea toto Tempore Adventus, quando Officium fit de eo, adhibetur Color Violaceus, etiam in illis Dominicis, quæ infra Octavam alicujus Festi occurrunt, adeoque omnia Altaria, etiam Tabernaculum Ss. Sacramenti ijs diebus debent ex præscripto S. R. C. esse parata Colore Violaceo Teste Bauldryo, cum tamen extra Adventum, & illud Tempus, quod est à Septuagesima